

absentiam timidæ dorcadis speciem induit atque Kandarpas saeviens in eam, veluti tigris, agit partem Dei mortiferi.

Sinui impositum nobile gemmarum strophium illa onus censet corporis Cant. 9. macerati, Râdha, in absentia sua, o Kêçava. 11.

Delectabilem et mollem Santali pulverem in corpore suo intuetur illa pa-12. vide, tanquam venenum, Râdha, in absentia tua, o Kêçava.

Spiritus gemituum ultra modum largos ducit aestuantes, amoris flammis si-13. miles, Râdha, in absentia tua, o Kêçava. *sadatum*

Quaquaversus spargit oculorum nymphaeas, cinctas reticulo quasi guttarum, 14. caule fracto, Râdha, in absentia tua, o Kêçava.

Lectum Loti foliis stratum, licet in conspectu positum, opinatur formam 15. ignis candescentis, Râdha, in absentia tua, o Kêçava.

Manuum palmas non removet a genis, iuvenescenti lunae vespere immo-16. bili similibus, Râdha, in absentia tua, o Kêçava.

»Hares, Hares« ita murmurat cupide, ob separationem morti iam prorsus 17. devota, Râdha, in tua absentia, o Kêçava.

»Pii Jayadêvae versus sunt« ita canenda cantilena beet initiatos, Kêçava fre-18. tos, Râdha dolet absentiam tuam, o Kêçava.

Illa comam erigit, eiulat, lacrimat, contremiscit, moeret, meditatur, errat, 19. connivet, collabitur, surgit, sui non conscia fit; in tali tamen amoris febris, corpore nitidissima quidni viveret desiderio tui, si tu, divino medico similis, propitiarere. Sin minus, deest sustentaculum.

Nisi tu desiderabilis, ut medicus numinum, eam aegrotam, solo tui cor-20. poris, tanquam ambrosiae, tactu sanabilem, liberabis ab acrumna, crudelior eris fulmine Upêndrae.

Mirum est quantum mens eius languescat Santali, lunae, nymphaearum co-21. gitatione; corpus iam longe uritur tormento febris amoris; veruntamen, patiendi docilis, solitudinem colens, te solum, amatum, tanquam corporis refrigerium meditata, licet tabida, quantillum tempus spirabit.

Quae antea ne per momentum quidem temporis absentiam a te passa est, 22. immo aegre tulit nullum tuorum oculorum aspectum, quantopere gemit illa hodie ob longam seiunctionem, intuita ramos Rasâlae, foliis spicatos?»